

Tituse Pɔɔl tɔne kenɔ ɔ be ŋmarase yelee Tituse nɛ

¹ Tɔne kei lee maŋ Wurubuarɛ tobaale Pɔɔl ŋon me yɛɛ Yesu Kristo kpilale e nɛ gyaŋ. Wurubuarɛ lesena maŋ nyi me kaa kyɔ balan ban ŋon Wurubuarɛ gbagba ba lese wɔ see fa ɔ wose nɛ, na baa senɔ ba kelɛɛdi man kenkenɔ na maa wola wɔ Wurubuarɛ nombia ŋan ŋe doo na ŋe gbɛɛ nɛ, na baa gyenɔ ŋa kpu nideli. Nombia kenɔ kagyenɔ ne gyae la ke tale yela balan ke yɛɛ Wurubuarɛ kegyaebii.

² Kei gyae ke yela baa nyinɔ nyeedonɔ kekpaɔ kenɔ dɔɔ de loo gyakaa nɛ. Wurubuarɛ ŋon ɔ bee di dekara ya nɛ, wulaa yakowɔ see leenɔnɔ kewalanɔ kenɔ nyi dee nyinɔ mena nyeedonɔ kekpaɔ kei pɛte ɔ yɛɛ kpene kamase.

³ Mena dɔɔ debanɔ kpaakpaate kenɔ ŋon Wurubuarɛ gbagba ba see kelii nɛ, ɔ lese mena nombia kenɔ debɔɔ. Da nyeelɛɛre Wurubuarɛ ŋon ɔ ne fa balanɔ pou nyeedonɔ nɛ, ŋon yako na mena nombia kenɔ fa maŋ Pɔɔl nyi me kaa yako fa balanɔ pou.

⁴ Mɛɛ ŋmarase tɔne kei mee yelee nyanɔ Tituse ŋon mɔɔ mo nenɔ ŋgba me bu gbagba nɛ. Nawolo nyi Kristo te daa na nenɔ pou lɛɛwɔ di. De kya Wurubuarɛ na da nyeelɛɛre Yesu Kristo baa mo be berɛɛ boele nenɔ na baa fa nenɔ wosefɛɛrenɔ.

Tituse keyeε tom Kreti tεεle man

⁵ Kpene keη dɔɔ te mɔɔ tina neη yela Kreti tεεle man yena nyi, mεε gyae na n kenyiη desina abɔɔ ηan be kaa na kedestina ne nideli, na n ka lese kegyiise fa donɔɔ kamase ηgba mena keη mɔɔ wola neη ne.

⁶ Kaboena nyi Kristotena kegyia waa yεε walaη ηon ɔ wose man be dana nombiikum kamase ya. Ɔ wεεle dεε yεε dokoloη. Kaboena nyi ɔ bia mɔ baa yεε balaη baη bεε lεε Yesu di te bee bu balaη, te ba wose man be dana nombiikum daale keη balaη baa naa kolosi ya.

⁷ Lee mena keη kegyia seηεε la Wurubuare tom keη siaman dɔɔ ne, tekaboena nyi baa nyiη nombiikum kamase lee ɔ wose man ya. Ɔ na yεε walaη ηon ɔ na wola ɔ wose yaa ɔ na gyeη baη bilenbilen ya. Ɔ na yεε solonnyɔɔre yaa walaη ηon ɔ ne gyae kale yaa walaη ηon ɔ sia ne yεε kɔba dɔɔ beη ya.

⁸ Mɔna kaboena nyi waa yεε walaη ηon ɔ ne lεε ηɔɔla, te ɔ ne gyae nombia kpaakpaa keyεε. Kaboena nyi waa yεε walaη ηon ɔ gyeη ɔ wose katela, te ɔ nombia ayεεsa mɔ doo na ke gbεε. Kaboena nyi waa yεε walaη ηon ayimeε be doo ɔ man ya te ɔ ne tale di ɔ wose dɔɔ.

⁹ Kaboena nyi waa kyaη Wurubuare nombia ηan ηe doo na ηe gbεε ηgba mena keη bɔɔ wolo ne man nideli. Kaboena nyi waa kyaη ηa nideli na waa nyiη tale mo nyeedoη nombia ηan wola balaη na ke gbεε, na waa lese nombiakumεε wolala baη nombiakumεε si wɔ.

¹⁰ Nawolo nyi balaη burum ta koro seη tia Wurubuare nombia ηan, te be dana be nombia

ɲan ɲɔɔ taɲ tɔnɔɔ ya nɛ bɛɛ beo balan. Tuturu na Kristotena ban be yɛɛ Gyudatenawɔ te be sɛɛ be dana baala wose kekara mmaraa keɲ man nɛ, ne yɛɛ na mena nombia keɲa.

¹¹ Kaboena nyi yaa tɔ wɔ mena nombia ɲenanɲ kawola, nawolo nyi be sɛɛ be dana nombia ɲan tekaboena nyi baa wola ya nɛ man. Kei te yeli akpaɲalanɲ akpaɲalanɲ man balan burum ta yoo gbɛɛ lee kawola kpaakpaate keɲ man. Ke yɛɛ desɛɲ nombii ke, nawolo nyi kɔba kegyae dɔɔ te bɛɛ yɛɛ keɲa pou nɛ.

¹² Ban Kretitena benanɲ gbagba be kegyia ɲolo yako ba wose man nombia nyiaa, “Kretitena yɛɛ akɛɛɛtenawɔ. Be dana akpanyanɲyanɲ ɲgba wonembu kum nɛ, te be yɛɛ keboɲaletena na diirawɔ.”

¹³ Mena nombii keɲ ɔ be yako nɛ yɛɛ ampanɲ, mena dɔɔ faree Kristotena ban be kyaa Kreti tɛɛle dɔɔ nɛ nideli nyi baa kyanɲ ba Kristo keɛɛdi keɲ man nideli.

¹⁴ Na baa tina Gyudatena benenɲ nombia ɲan ɲa te yɛɛ ampanɲ ya, na balanɲ ban bɔɔ ne lɛɛ anokoare keɲ di ya nɛ mmaraase dɔɔ kedi yela.

¹⁵ Balanɲ ban ayimɛɛ be doo be man ya nɛ, kpene kamase dei fa wɔ. Mɔna balanɲ ban ayimɛɛ doo be man te bɔɔ ne lɛɛ Kristo nombia ɲan di ya nɛ dɔɔ, kolo be kyaa keɲ ke dei fa wɔ ya. Nawolo nyi nombiakumɛɛ te di ba agyuen na be konɔɔ man nombia pou dɔɔ, te nombiakumɛɛ keyɛɛ mɔ be dana wɔ desɛɲ ya.

¹⁶ Bɛɛ gyɔ be konɔɔ yako nyi ba gyen Wurubuare, mɔna be nombia ayɛɛsa bɛɛ wolo nyi ba gyen Wurubuare ya. Be yɛɛ balan

kumεεω Wurubuarε siaman te bɔɔ ne bu e ya.
Ba tekaboena nombii kpaakpaa mɔ keyεε ya.

2

Nombia ηan kaboena nyi nya wola Kristotena

¹ Nyan dɔɔ wola wɔ anokoare nombia ηan ne kyaa na Wurubuarε nombia ηan nε.

² Wola baala kegyiise ban nyi baa yela be sia kedoo tεεle man. Baa yεε balan ban obuo doo ba wose man, na baa gyen ba wose katela. Wola wɔ na baa lεε anokoare nombia ηan di, na baa gyae balan lee be konɔɔse man na baa nyin konɔɔ seη ba kelεedi keη man nideli.

³ Mena mɔ te wola ala kegyiise ban nyi baa kyaa ηgba balan ban bee yee Wurubuarε nε. Be na yεε balan ban bee kolosi balan wose man nombia ya, te be na yεε solonnyɔɔra ya. Mɔna kaboena bo nyi baa wola nombia kpaakpaa.

⁴ Nyi akpaa be yεε mena na, baa tale wola alebia mɔ na baa gyae be baala na be bia nombia,

⁵ na baa gyen ba wose katela keη bɔɔ wɔlεε ba wose ya. Na baa yεε ala yalala kpaakpaa nyiban ban bεε yεε deeli, te bεε yɔkɔse ba wose fa be baala. Dekɔη mena na, ηolo be gyae waa nyin nombiikum daale kolosi lee Wurubuarε nombia ηan wose man ya.

⁶ Mena ke te do tewulεε mɔ kakyen na baa tale di ba wose dɔɔ.

⁷ Kaboena nyi nya yεε nombia kpaakpaa abɔɔ pou man na balan kena na baa kasee neη. N

nombia kawola man na yela balan kena nya anokoare na n sibiiyam.

⁸ Kolosi nombia ñan ñe doo na ñe gbεε nε, na balan ban bεε koro sen tia neñ nε be nyin nombiikum daale yako lee n wose man ya. Na desen ke nyin kyan wɔ nawolo nyi ɔɔ gyae baa nyin nombiikum daale kolosi lee da wose man ya.

⁹ Wola tewulεε na alebia nyi baa yɔkɔse ba wose fa be gbengyoona lee kpene kamase man, na baa yεε kpene ken gyae ka gyoo be gbengyoona ban sia. Be na kolosi na be gbengyoona ban kyεkyεε ya.

¹⁰ Be na ñmεεle be gbengyoona ban kolo ya. Mɔna baa yεε kpene ken gyae ke yela be gbengyoona ban ke lεε wɔ di nideli. Na be nombia ayεesa pou ke yela da nyeelεere Wurubuare nombia ñan bεε wolo nε kegyo balan loo.

¹¹ Nawolo nyi Wurubuare ta lese ɔ bεrεε ken gyae ke yela balan ke nyin nyeedon nε wola balan pou.

¹² Wurubuare bεrεε kenan na wola daa mena ken dee tina tεεle kei ɔɔ nombia, na gbεenen ñan ña te yεε Wurubuare gbεenen ya nε kesila yela. Na dεε tale di da wose ɔɔ na de gbεenen mɔ ka tenee Wurubuare siaman, na dεε kyaa tεεle kei ɔɔ Wurubuare kegyaebii man.

¹³ ε yela dεε yεε mena deban ken de kyaa dεε daa Wurubuare na da nyeelεere Yesu Kristo kabese kɔñ ɔ gyoorobiiri man ken ɔɔ de loo gyakaa nε.

¹⁴ Yesu moona ɔ wose fa nyi baa ko na waa mo tɔ da nyeeman kom lɛɛ daa lee de nombiakumɛɛ pou man. Na dɛɛ bese balan ban de yɛɛ ɲon waagen wui, na waa desina daa na dɛɛ tale yɛɛ abɔɔ kpaakpaa.

¹⁵ Mo n don pou wola wɔ mena abɔɔ kenɔ. Do ban bɛɛ yɔkɔse nɛ kakyen, na n ka lese ban mɔ bɛɛ yɛɛ nombiakumɛɛ nɛ nombiakumɛɛ si wɔ. Na yela be man ɲolo ke kɛɛ nen nyi n yɛɛ bu e ya.

3

Mena ken kaboena nyi Kristotena baa kyaa

¹ Tɔɔse Kristotena ban nyi baa yɔkɔse ba wose fa gyoonen na tɛɛle kei dɔɔ kegyiise, na baa di kegyiise ban mmaraase dɔɔ, na baa doo ba wose dɔɔ na abɔɔ kpaakpaa nyinjan keyɛɛ deban kamase.

² Kolosi fa wɔ nyi be na mo nombiikum gyakaa ɲolo dɔɔ ya mɔna baa yela ban na balan nsana ke yɛɛ gyon. Be na ɲmanyɔn balan ya te deban kamase mɔ na kaboena nyi baa yɔkɔse ba wose fa walaɲ kamase.

³ Nawolo nyi nafa gyanɲba ken na daa mɔ yɛɛ ayinɲenawɔ te de yɛɛ denɛle don te da yoo gbɛɛ. Da abɔɔ ɲan dɛɛ gyae, na tɛɛle kei dɔɔ abɔɔ kegyae dii da nyeeya. Da kekyaabii man na, de dana agyuen kumɛɛ na sibii. Balan kola daa te daa mɔ kola wɔ.

⁴ Mɔna deban ken da nyeelɛɛre Wurubuare ba lese ɔ deeli na ɔ balan kegyae ken debɔɔ nɛ,

⁵ ɔ lɛɛ da nyee. Kei te yɛɛ nyi daa gbagba tom kpaakpaa kenj dɔɔ yɛɛ nɛ dɔɔ te ɔ lɛɛ da nyee ya, mɔna ɔ wii de waranjase bo te ɔ tɛɛwɔ Wurubuarɛ felinj non dɔɔ saase de nombiakumɛɛ pou leki, te ɔ yela de dinɔɔ kyɛɛkeewɔ ngba ba bese yaa lola daa wɔle nɛ.

⁶ Wurubuarɛ tɛɛwɔ da nyeeɛere Yesu Kristo dɔɔ yela ɔ felinj non ka kyaawɔ de man nideli.

⁷ Wurubuarɛ yɛɛwɔ mena na ke yela waa lɛɛ daa do, na dee nyinj nyeedonj kekpaakekpaakpaa kenj de loo gyakaa ke dɔɔ nɛ, lee ɔ bɛɛɛ kenj dɔɔ.

⁸ Mena nombia kenja yɛɛ ampanj te mɛɛ gyae nyi n ke yase n sia wola nɛ man nideli. Kei gyae ke yela ban bɔɔ lɛɛ Wurubuarɛ di nɛ ke kyanj ba wose yɛɛ abɔɔ kpaakpaa. Nawolo nyi mena nombia kenja yɛɛ nombia kpaakpaa na, te nɛ dana tɔnɔɔ fa walanj kamase.

⁹ ɛ tina diyinj na anmaarenj nombia yela. ɛ tina ɛ lolo kegyakaare dɔɔ anmaarenj keɛɛ yela. ɛ lese ɛ wose lee kale na anmaarenj lee Gyudatena mmaraase nan wose man. Nawolo nyi mena nombia kenja pou yɛɛ yakaa te nɔɔ tanj tɔnɔɔ daale ya.

¹⁰ Walanj non ɔ doo ɛ man te ɔ na koro senj tia Wurubuarɛ nombia nan te ɔ na mo anmaarenj do balanj man na, kolosi na e dokolonj yaa bola. Akpaa ɔ te nyii nenj ya na, lese n wose lee ɔ man.

¹¹ Gyej nyi mena walanj kei dinɔɔ yɛɛ nombiakumɛɛyɛɛere e te ɔ bɛɛ gyae anokoare ya. Non gbagba nombia ayɛɛsa ne buu na e fɔɔ.

Nɔɔkado ɔtomante

¹² Maa kpila Atemase yaa Tikikuse n gyan. ɔ kɔŋ na yɛɛ kakyeŋ na n kaa gyanɛɛ na maŋ Nikopolise donɔɔ man. Nawolo nyi ma te yɛɛ ma agyueŋ nyi maa kyaa botɔɔ waare tɛɛ.

¹³ Yɛɛ kakyeŋ na n ke kyɔ Senase ŋon ɔ yɛɛ mmaraa wolale e nɛ na Apolo be gbɛɛ keta man, na n ke kɛɛ nyi baa nyiŋ kpene kamase keŋ bɛɛ gyae.

¹⁴ Kaboena nyi daa Kristotena dɛɛ mo da debaŋ yɛɛ kolo kpaakpaa, na dɛɛ tale nyiŋ kolo kyɔ balan na baa lee ba diyem man. Tekaboena nyi dɛɛ kyaa kehuhoori man ya.

¹⁵ Balan ban pou be kyaa me gyan kebo nɛ na do neŋ nɔɔ. Yako de gyona ban bɔɔ lɛɛ Kristo di te bɛɛ gyae daa nɛ nyi dɛɛ do wɔ nɔɔ. Wurubuare waa mo ɔ berɛɛ boele ε popou.

**WURUBURE NOMBIA KPAAKPAA
NŌŌKEBAKESEE WŌLE**
The New Testament in the Delo language of Ghana:
**WURUBURE NOMBIA KPAAKPAA NŌŌKEBAKESEE
WŌLE**

copyright © 2006 Wycliffe Bible Translators, Inc.

Language: Delo

Contributor: Wycliffe Bible Translators, Inc.

All rights reserved.

2025-05-17

PDF generated using Haiola and XeLaTeX on 22 May 2026 from source
files dated 17 May 2025
80e9f745-c10c-5e3f-94bb-9d65aa1a1b11